



**LESOTHO ELECTRICITY AND WATER AUTHORITY**

**METHATI HO TLALEHA LITLETLEBO TSA BAJI BA LITSEBELETSO TSA MOTLAKASE,**  
**METSI LE LIKHOERE-KHOERE HO LEKHOTLA**

Lekhotla la Taolo ea Motlakase le Metsi Lesotho (LEWA) le hopotsa bohle ba fuoang litsebeletso tsa motlakase, metsi le likhoerekhoere le sechaba ka kakaretso hore litletlebo tse mabapi le litsebeletso tseo li ka fetisetsoa ho Lekhotla ha feela li sa rarolloa ke litsi tse fanang ka litsebeletso, e leng K'hamphani ea Motlakase Lesotho (LEC) le K'hamphani ea Metsi le Likhoere-khoere (WASCO).

Mehato ena e thusa hore litletlebo tse joalo li rarolloe kapele-pele kamoo ho ka khonehang ka teng ke Lekhotla.

Ho latela tsela ea tšebetso ea Lekhotla, WASCO kapa LEC li tšoanetse ho arabela litletlebo kapele-pele. Moo e bang Molli ha a khotsofalla tharollo e fihletsoeng mabapi le tletlebo ea hae ke setsi ke hona a ka kopang Lekhotla (LEWA) ho kena lipakeng ho e rarolla.

Litletlebo tse ka tlišoang ho LEWA ka kotloloho, ke moo ebang ho na le boemo ba tlokotsi bo ka behang maphelo a sechaba le thepa ea sona tsietsing ha bo sa tlalehoe hang-hang. Mehlala mona e ka ba moo phaephe tse kholo tsa metsi kapa tsa likhoekhoere li senyehileng, ekasitana le moo thepa ea phepelo ea motlakase e ka bakang kotsi, joaloka likhoele tse sa tieang lipalong.

Baji ba khothaletsoa hore kamehla ba ngole litletlebo tseo ba li isang ho WASCO kapa LEC e le hore bopaki bo tle be teng 'me bo qhoaelloe litletlebong tse seng li lebisoa ho LEWA.

Lekhotla le entse litlhopho le Babusi ba Litereke hore ba amohele litletlebo tsa balli lebitsong la Lekhotla moo balli ba se nang mokhoa oa ho li tliša ka bobona liofising tsa Lekhotla tse Maseru, Mokatong oa Bosupa, Moposo House, Kingsway. Balli ba ka romella litletlebo nomorong ea 22315094 ea fax kapa ho [secretary@lewa.org.ls](mailto:secretary@lewa.org.ls)

**LEWA, 28 Motšeanong 2014**